

Guangjisi Minzcu Bau

ganhhau: CN45-0036 B.2016 Nd.11 Ng.9 liggaeuq bingjsaen nienz ndwencib cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3248期

Bi 2016 Aen Banbeizyin Fazgvanh Cuengh Gun Song Saw Vah Daengx Guek Youq Guengjsae Fazgvanh Yozyen Haiban

2016年全国壮汉双语法官培训班在广西法官学院开班

Bonjbauq siusik (gicej Liengz Cingz) 11 nyied 1 hauh banhaet, bi 2016 aen banbeizyin fazgvanh Cuengh Gun song saw vah daengx guek youz Swcigh Gaugaep Yinzminz Fazyen banh haenx youq Guengjsae Fazgvanh Yozyen haiban. Swcigh Gaugaep Yinzminz Fazyen fuyen-cangj、Guengjsae Fazgvanh Yozyen yencangj Dai Hungzbingh, Swcigh Minzyijveij fucuyin Veih Yungj-hungz caeuq Swcigh Gaugaep Yinzminz Fazyen、Swcigh Minzyijveij、Guengjsae Fazgvanh Yozyen mbanj boux fucwz camgya haiban yizsi.

Dai Hungzbingh guh le haiban dungyenz. De naeuz, aeueiq caeuq baujyang gij gienzleih siujsoq minzcuz yungh saw vah minzcuz bonjfaenh, mboujdan dwg hangh gihbnwz cwngeuz guekgya he, youh dwg gij aeu yungh gyagiengz minzcuz doxgiat, gyagiengz hong beizyin fazgvanh minz Gun song saw vah yiig gig youqgaenj. Muengh gyoengq yozyenz dingh ndei hagsib muzdiz, caenh'itbough dem'ak roxyiuj minzcuz cwngeuz guek raeuz, caenh'itbough daezsang gij naengzlig yungh Sawcuengh Vahcuengh, vih engq ndei guh ndei hong saemjbuengq dwkroengz giekdaj maenhndei.

Veih Yungjhungz cukhoh ban-beizyin swnhleih haiban. De naeuz, gaenh geij bi daeuj, dangj caeuq guekgya hopheux "seiq aen cienzmienh" canloz baijbouh, gyavaiq cienzmienh ciuq fap guenjieix



guekgya、hwnjguh fazci Cungguek cincwngz. Hoeng aenvih gak cungj yienzaen, seizneix fazgvanh dieg minzcuz cungj rox saw vah guekgya doeng'yungh caeuq rox saw vah siujsoq minzcuz dangdieg lij giepnoix. Bi'gvaq banh baenz gaiq daeuz banbeizyin fazgvanh Cuengh Gun song saw vah daengx guek haenx, vih sengj gaep fazyen caeuq bumwnz guhhong saw vah minzcuz doxgap haiguh beizyin dwkroengz giekdaj maenhndei; bineix Swcigh Minzyijveij yaek laebdaeb guh ndei caeuq gyamaenh cungj doxgap boiqhab、doengzcaez doicaenh neix; gvaqlaeng, bumwnz guhhong saw vah minzcuz lij yaek gaenxmaenx fatok gij cizwnwngz cozyung bonjfaenh, yungh banhfap mizyauq, gaenxmaenx boiqhab、sonyinx、haeujcoengh

hong son'gyauq fazgvanh Cuengh Gun song saw vah.

Baez beizyin neix seizgan dwg 10 nyied 31 hauh daengz 11 nyied 20 hauh, gungh miz 36 boux gihcwngz fazgvanh dieg Bouxcuengh camgya beizyin, ndawde Guengjsae miz 32 boux, Yinznanz miz 4 boux

Haiban yizsi sat le, Veih Yungj-hungz daiqbiuj Swcigh Minzyijveij gien 《Sawcuengh Giekdaej》daengj buek Sawcuengh ndeu hawj Guengjsae Fazgvanh Yozyen, hawj yozyenz guh sawsonhag beizyin caeuq sawcamgauj, vanzlij aeu 《Gij Cingzgvang Vahgangj Minzcuz Guengjsae Caeuq Hong Beizyin Fazgvanh Minz Gun Son Saw Vah》guh daez, hwnj le dangzgoq daih'it baez beizyin neix.

Namzningz Si Guhsat Hong Bien Cek Saw Iq 《300 Coenz Vahcuengh Giekdaej Doxgangj》

南宁市完成《壮语基础会话300句》口袋书编著工作

Mboengqneix, cek saw iq 《300 Coenz Vahcuengh Giekdaej Doxgangj》youz Namzningz Si Minzyijveij lienzhab Guengjsae Namzningz Si Yungjcanh Youjhan Cienzboq Gunghswb bien haenx guhsat le, baez daeuz yaenq cungjsoq 3500 cek, ndawde faen hawj 12 aen yienh gih gak 200 cek, giensoengq hawj Guengjsae Swhfan Yozyen Codaengj Gyauyuz Yozyen 300 cek.

Bineix 6 nyied co hainduj guh hong bien cek saw iq 《300 Coenz Vahcuengh Giekdaej Doxgangj》, 8 nyied guhsat cogauj, 9 nyied daej dinghgauj. Cek saw neix youz Namzningz Si Minzyijveij cawjbien,

Cungguek Minzcuz Yijvwnz Fanh-yizgiz ngeih gaep hoizsaemj、gyausou Gvahn Swgingh sij ok cogauj, Dwng Yungjningz gyausou、Yangz Lanzgvei hoizsaemj saemjdoeg cogauj; Lingz Hinghningz hoizsaemj、Cinz Siengz-couh hoizsaemj nyinhcaen saemjcaz daengx cek saw, caemhcai doigawj yaenq okbanj.

Cek saw neix cujyau ciuq gij cingzgvang saedcaeq Bouxcuengh doxgangj vah bien baenz, yungh Sawcuengh、gozci yinhbyauh、Sawgun doiqciuj sij, neiyungz doengsug ngaih rox, gig miz gij yinxdaeuz saedceij. Cek saw neix hab boux ngamq hag Sawcuengh yungh, muzdiz

dwg hawj bouxdoeg yungh di seizgan he, couh ndaej yungh cungj fuengsik angqyangz neix, hag rox yungh Vahcuengh doxgangj, daezsang gij naengzlig yungh Vahcuengh doxgyau. Daengx cek saw faen baenz dox-dongx、baiqraen、hagsib、guh hong daengj gungh 20 bien.

Cek saw neix mboujdan ndaej hawj vunz lai gak cuz rimhoz, yungh di seizgan he couh hag rox yungh Vahcuengh doxgangj, gyalai gak minzcuz doxgyau doxyungz, hix doiq hong doihengz Sawcuengh aen si neix miz gaenxmaenx coicaenh cozyung.

(Veiz Yinjsenz/韦尹璇)

SIUSIK DINJ

简讯

● Mboengqneix, Cungzcoj Si Gyanghcouh Gih Minzcuzgiz gaenxmaenx boiqhab mizgven bumwnz guh ndei hong fanhoiz caeuq saemjdingh baizroen Diegmoq Singznamz caeuq Diegmoq Li'gyangh, gungh guhsat baizroen 49 diuz. Baizroen guhsat le gaek miz gyoepyaem Sawgun、Sawgun caeuq Sawcuengh, gvaqlaeng, aen giz neix yaek laebdaeb dawz Sawcuengh yungh daengz lingjyiz wng bae.

(Veiz Veigenh)

● Mboengqneix, Gungchwngz Yauzcuz Swciyen Yinzminz Genj-cazyen bae Sihlingj Daujbingz Siujyoz haiguh "fuengz famhcoih、doiswz ndawhag bauqlig" fapceih haeuj hagdangz hozdung. Doeng-gvaq siujbinj、heiqcingzgingj、ciengjdap faplwd cihsiz daengj hingzsi siujhagseng haengjgyaez haenx, vih daengx hagdangz 200 lai boux lauxsae hagseng yienj ciengz fapceih cawjdaez hozdung biujyienj he.

(Cauh Binjciuh Cauh Si-dungh)

● Mboengqneix, Hocouh Si Bazbu Gih Minzcunghgiz youq Yinzyi Cin Sunghgauh Cunh Sunghgauh Siujyoz cujcz vunz-mbanj aen mbanj neix yawjngonz 《Yaengx Fwngz Hwnjdaeu》yungh Vahyauz boiqyaem caeuq 《Deng-ginz》yungh Vahcuengh boiqyaem haenx. Doenggvaq boqcuengq goeng'ik denyiingj boiq miz vah siujsoq minzcuz cuengqingj hozdung, doiq coicaenh minzcuz huzndei nem gak minzcuz doxgyau doxyungz、cauxlaeb gij saedceij lai cungj vah doxhuz doxndei miz gaenxmaenx cozyung.

(Mwz Ginjswng)

● Bineix daeuj, Namzningz Si Yunghningz Gih Bwzci Cin Dunz-caz Cunh doenggvaq laebbaenz dajndaem dajciengx ciennieb hozcozse, dawz gij ndoengbya、reihnaz vunzmbanj Dunzcaz Cunh caebcomz hwnjdaeu, doengjit gisuz、doengjit guenjieix、doengjit soucawx, ndaej daengz yauqik、leih'ik ceiq sang, bienqbaenz conzdungj nungzyez cienjbienq baenz gij denjhingz nungzyez daihneix, vih Dunzcaz Cunh damqra ok diuz roen hwnghat nungzyez daihneix canjlieng sang、gauhyau、caetliengh ndei he, doengzseiz hix dwg diuz roen canjniebvaq banggunz he.

(Huz Gvanghleij)